



Decisiones Sacramentales, Theologicæ, Canonicae, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

De Sacrosancto Missæ Sacrificio Decisiones

Chiericato, Giovanni Maria

Augustæ Vindelicorum, 1730

Index Argumentorum Decisionum.

[urn:nbn:de:hbz:466:1-94659](https://nbn-resolving.org/urn:nbn:de:hbz:466:1-94659)

I N D E X

A R G U M E N T O R U M

D E C I S I O N U M.

D E C I S I O I. A R G U M E N T U M.

Agitur de Etymologia Sacrificii, & de multiplici ejusdem Denominatione. Voces Litare, Litaniz, ac Liturgiæ unde dicantur.

D E C I S I O II. A R G U M E N T U M.

Differitur de duplici Sacrificii acceptione, & de decem generibus Sacrificiorum metaphoricè nominatorum.

D E C I S I O III. A R G U M E N T U M.

Ostenditur, Quæ, & quot sint de essentia Sacrificii.

D E C I S I O IV. A R G U M E N T U M.

Quid sit Sacrificium? Et de ejus vera, atque propria definitione, complectente omnia, quæ concernunt actum Sacrificandi. Et præcipuè materiam oblationum. De oblatione filiorum Religioni. A quibus non sint recipiendæ oblationes? Quomodo eas Parochus recipere possit in Missa?

D E C I S I O V. A R G U M E N T U M.

Quare in Definitione Sacrificium dicatur oblatio externa? Quare omnes oblationes non sint Sacrificia?

D E C I S I O VI. A R G U M E N T U M.

Explicantur illa verba definitionis, *Soli Deo facta*. Ostenditur Sacrificium nulli deberi præter Deum. Quæritur an saltem Christo Domino offerri possit Sacrificium ut homini? Narrantur actus latriæ interni, & externi, & quæ sint Adorationis signa? Ostenditur, quàm grave sit scelus eorum, qui Dæmonibus sacrificant, & quibus pœnis sint plectendi.

D E C I S I O VII. A R G U M E N T U M.

Sequitur declaratio definitionis Sacrificii circa illa verba: *Qua in restitutionem ejus supremi De-*

mini: Necnon illa, quæ sequuntur, videlicet: *A legitimo Ministro*. Et docetur quid sit Religio, ac Divinus cultus? Religionem non esse virtutem Theologicam, sed moralem. Non cuique homini litare licere; sed tantum Sacerdotibus; Hi quinam fuerint in lege Naturæ, Moysæ, & Gratiæ, ac apud Gentiles? Quæritur, & ostenditur, quomodo Caro Christi propagata fuerit tum ex Regia stirpe David, tum ex Sacerdotali Aaron?

D E C I S I O VIII. A R G U M E N T U M.

Redditur ratio, ob quam dictum est in definitione Sacrificii, quòd in eo Res aliqua sensibilis, & permanens consecratur, nempe Hostia, vel Victima: Quæ sit horum nominum Etymologia? Quæve, & quot essent Hostiæ, & Victimæ, quibus litabant antiqui tam veri, quàm falsi adoratores? eleganter declaratur.

D E C I S I O IX. A R G U M E N T U M.

Explicantur sequentia definitionis verba: *Ritu Mystico consecratur*; Declaratur, qui & quot sint Ritus Sacri servandi in Sacrificio Missæ. De Origine, Varietate, Necessitate, & Utilitate Uniformitatis Sacrorum Rituum. Et an in Ecclesia sit potestas discernendi Sacros Ritus, & imperandi eorum uniformem observantiam. De Ritibus in Missa vestutis PP. Ord. Prædicatorum, Carmelitarum, & Carthusiensium.

D E C I S I O X. A R G U M E N T U M.

Exponitur verbum *Transmutatur* positum in definitione Sacrificii; de cujus essentia demonstratur esse Transmutatio, idest interemptio, & destructio Victimæ Oblatæ. Objecta non in-jucunda proponuntur, & resolvuntur.

D E C I S I O XI. A R G U M E N T U M.

Agitur utrum Martyria sint Sacrificia? & an Sancti Martyres, qui obierunt in odium fidei, Victimæ vocari possint, & Hostiæ Deo immolatæ?

D E C I S I O XII. A R G U M E N T U M.

Occasione Verborum, *In loco, & super Altari solemniter ad hoc deputato*, quæ in definitione sunt posita; agitur de Templis Deo Sacris; in quibus, & non extra, offerenda sunt Sacrificia, plu-

Index Argumentorum Decisionum,

plura traduntur in materia templorum ab origine Mundi usque ad præsens. Et exactè describitur Tabernaculum Moysi, & Templum Salomonis. Differitur de facultate celebrandi in Oratoriis privatis, & de extincta Religione Templariorum.

DECISIO XIII. ARGUMENTUM.

Quia in definitione Sacrificii, ultra necessitatem Templi, dicitur esse necessarium etiam ALTARE; agitur de quidditate, & necessitate ALTARIUM ad celebrandam Missam.

DECISIO XIV. ARGUMENTUM.

Exponuntur ultima Verba in definitione Sacrificii posita; scilicet: *Pro remissione peccatorum; nec non pro præfenti, æternæque felicitate populi obtinenda.* Et ostenditur Sacrificium Missæ prodelle ad obtinendam remissionem tum culparum, tum poenarum, & ad consequendas gratias, & favores etiam temporales.

DECISIO XV. ARGUMENTUM.

De Sacrificiis factis in lege Naturæ; & primò de Sacrificiis Adæ, Caini, & Abelis. An Adam sciverit scientiam cabalisticam? Et quid, & quotuplex sit Cabala Hebræorum?

DECISIO XVI. ARGUMENTUM.

De Sacrificio Patriarchæ Noë. Quid significet ejus nomen? Quare Deus suscepit ejus Liturgiam in odorem suavitatis? Quid importer benedictio eidem à Deo data? Et de his, quæ vel concessa, vel vetita fuerint Noë, & posteris ejus, dubia curiosa.

DECISIO XVII. ARGUMENTUM.

De Sacrificiis Patriarchæ Abrahami, & plura de ejus exitu; de Ur Chaldæorum, descensuque in Egyptum, De Uxoribus ejus Sara, Agar, & Cetura; ac de filiis Ismaele, Isaac, aliisque. De præcepto Circumcisionis, & an fuerit Sacramentum? De Immolando Isacco. Cujus fuerit major virtus Isaac, vel Abrahamæ circa dictam immolationem? Compendium annorum, & vitæ Abrahami. Dubia quædam de Limbo, nuncupato sinu Abrahamæ.

DECISIO XVIII. ARGUMENTUM.

De Sacrificio Melchisedech Regis Salem; & de his, quæ ejus personam, dignitatem, & figuram concernunt, disputationes plurimæ, non injucundæ. *Doct. Clericali Tom. I. Lib. III.*

DECISIO XIX. ARGUMENTUM.

De Sacrificiis, tum Isaac, tum Jacobi ejus filii. De cecitate ejusdem Isaac Patriarchæ; de Primogenituræ privilegiis, & an intercesserit Simonia, in cessione ejus facta ab Esau Jacobo? Quando liceat redimere vexationem in beneficiis, & electionibus absque simonia? Et utrum Esau sit damnatus?

DECISIO XX. ARGUMENTUM.

De Sacrificiis patientissimi Jobi, & plura de ejus ortu, vitæ, atque tentationibus.

DECISIO XXI. ARGUMENTUM.

De Sacrificiis Paganorum, Gentilium, atque Idololatrarum. De initio Idololatriæ, ejusque progressu. An dari possit Idololatria absque peccato? Quot, & qualia Sacrificia profana, horrenda, & impia olim immolarentur Idolis, ac Diabolo?

DECISIO XXII. ARGUMENTUM.

De Clero in lege Moysi. Cur Deus elegerit pro rebus Sacris potius Levitas, de Tribu Levi, quam Rubenitas, de Tribu Ruben primogeniti Jacobi? De divisione Cleri Levitici; & primùm de Summo Pontifice Aaron, ejusque descendentes. An Moyses quoque fuerit Sacerdos, & Pontifex? Quibus Cæremoniis, & Ritibus Aaron sit consecratus? Quo Oleo Sancto unctus? Quibus vestibus indutus? Quæ officia, & quæ prærogativæ Summi Pontificis? Quomodo tempore Christi essent plures Summi Pontifices? & præcipuè Annas, & Caiphas? Quæ eorum Potestas judiciaria? Catalogus omnium Pontificum Hebræorum.

DECISIO XXIII. ARGUMENTUM.

De Sacerdotibus Aaronicis, & eorum divisione in 24. Vices, seu Classes. Qui, & Quot essent Principes Sacerdotum? Relatio cujusdam Hebræi, quòd CHRISTUS Adolescens fuerit à Senioribus scriptus in numero Principum Sacerdotum. Quibus cæremoniis consecrarentur Sacerdotes Hebræi? Quibus, & quot Vestibus iidem uterentur, in Sacrificiis? Vestes CHRISTI cujus coloris essent, & quantæ? Quæ officia, & munia Sacerdotum Aaronicorum? Quo tempore, qua ætate, quibus requisitis ministrabant in Templo? Cur tecto capite, & nudis pedibus? Quid esset scindere Vestes? Alimenta Pontificum, & Sacerdotum Hebræorum unde desumpta?

b 2

DECI.

Index Argumentorum Decisionum.
DECISIO XXIV.
ARGUMENTUM.

De aliis Levitis, Caathitis, Gersonitis, & Meraritis, qui inserviebant Tabernaculo, ac Templo, & de eorum ministeriis. De urbibus Levitarum, atque eorum agris suburbanis, emptitiis, & votivis. De Nathinaeis servis Tabernaculi, & Templi; ac de religiosis sectis Scribarum, Phariseorum, Saduceorum, Nazareorum, Rechabitarum, Essenorum, Assidæorum, Dosithæorum, Hemerobaptistarum, & Herodianorum. Circa quos omnes Origo, Virtutes, ac Vitia demonstrantur.

DECISIO XXV.
ARGUMENTUM.

De Prophetis Legis naturæ, Moysæ, & Evangelicæ. Quid sit Prophetia? A quo detur hoc donum, & quibus? An Dæmones possint revelare futura? Et an cognoscant occultas hominum cogitationes? Quot, & quibus modis fiant revelationes hominibus tum externæ, tum internæ; tam in somnis, quam in extasi, & raptu? Signa cognoscendi revelationes veras à falsis. Compendiosa relatio sexdecim Prophetarum, de quibus in Sacra Scriptura. Quæsitæ plura curiosa circa materiam Prophetiæ.

DECISIO XXVI.
ARGUMENTUM.

De Mulieribus Prophetissis, quæ fuerunt tum in Lege naturæ, scilicet Eva, & Rebecca; tum in Lege Moysæ, nempe Maria Sorore Moysæ, Debhora, Rahab, Holda, & Anna Mater Samuelis; tum etiam in Lege Evangelica; videlicet DEIPARA, Elisabeth ejus cognata, Anna filia Phanuelis, Samaritana, Uxore Pilati, Maria Magdalena, ac aliis Sanctis Mulieribus, filiabusque quatuor Philippi Diaconi. Item de Sibyllis; hoc est Virginibus gentilibus, quæ à Deo dono Prophetiæ ditatæ, Vitam, Mortem, ac Resurrectionem Salvatoris Nostri, ejusque finale judicium vaticinatæ sunt.

DECISIO XXVII.
ARGUMENTUM.

De Sacrificiis Hebræorum. De Victimis quadrupedibus, Volucribus, & rebus inanimatis, quæ ab eis litabantur. De Holocausto, Hostiis pacificis, & pro peccato, immolationibus, libaminibus, & jure Sacrificio. De Festis Hebræis; & de Sacrificiis præscriptis in quocunque die festo. De Sacrificiis secundum varietatem personarum, quarum intuitu offerebantur; & præcipue pro consecratione Sacerdotum, & Nazareorum; expiatione leproforum, & laborantium legalibus immunditiis. De Mulieribus menstruatis, & de diversitate

menstruorum. De Sacrificio Zelotypiæ, Vaccæ Rufæ, & Vitulæ pro homicidio occulto. De Ritibus, caeremoniis, atque causis totius Liturgiæ Legis Moysæ. Atque de Sacrificiis pro Defunctis.

DECISIO XXVIII.
ARGUMENTUM.

Quoddam sit verum, & proprium Sacrificium in Lege gratiæ? Eucharistia non solum est Sacramentum, sed etiam Sacrificium Christi obtulit Corpus, & Sanguinem suum in cæna sub speciebus Panis, & Vini. Utrum etiam seipsum communicaverit? Vocis Missæ multiplex significatio. Oblatio Corporis, & Sanguinis CHRISTI sub speciebus Panis, & Vini in Missa est Sacrificium verum, & proprium in Lege gratiæ. Hæc veritas per annos 1500. à nemine fuit impugnata, nisi à Luthero, Calvino, & aliis hæreticis. Rationes, & fundamenta veritatis Sacrificii Missæ, Apostoli, & ejus Successores semper Missam celebrant, Hæreticorum objectiones, & solutiones earum, Sacrificium Crucis est sufficientissimum pro salute omnium; si tamen applicetur per media à Christo instituta; inter quæ unum est Sacrificium Missæ.

DECISIO XXIX.
ARGUMENTUM.

Veritas Sacrificii Missæ comprobatur ex facto Apostolorum, nec non Pontificum, & Sacerdotum primi, secundi, tertii, & sequentium sæculorum, qui omnes semper Missam celebrant; & in ea Corpus, & Sanguinem JESU CHRISTI sub speciebus Panis, & Vini obtulerunt. Apostoli quando ceperint celebrare? Et quis eorum primus Missam dixerit? Adhibebant in Missa lumina, & Vestes Sacras. S. Paulus Apostolus, & S. Barnabas ubi, & quando consecrati sint Sacerdotes, & Episcopi? Liturgia quid sit? Et de Liturgiis Apostolorum, ac in specie de Liturgia S. Petri Apostoli, S. Matthæi, S. Marci, S. Jacobi, S. Barnabæ, S. Clementis, ac Sancti Dionysii Areopagitæ. De Planeta pro Missa donata à Deipara S. Hildefonso Toletano Archiepiscopo, quæ servatur Ovieri.

DECISIO XXX.
ARGUMENTUM.

De Victima, & Hostia, quæ immolatur in Missa. CHRISTUS proprie, & principaliter offertur in Sacrificio Missæ, Utrum etiam Suppositum Divinum cum Humanitate ejusdem CHRISTI? Panis, & Vini substantia an habeat rationem Victimæ in Missa? Et num etiam species Sacramentales? Referuntur Theologorum dicta; & solvuntur objecta.

DECI-

Index Argumentorum Decisionum.

DECISIO XXXI.

ARGUMENTUM.

Essentia Sacrificii Missæ in qua actione consistat? An in oblatione ante, vel post Consecrationem? vel in ipsa Consecratione, aut fractione, sive sumptione Hostiæ? Tres Sententiæ Theologorum referuntur, quorum aliqui essentiam Sacrificii ponunt in Consecratione; alii in sumptione, alii in utraque simul. Fundamenta, & rationes harum opinionum, & præcipue pro tertia, quæ eligitur, Quid sit Missa sicca? An licita? An audienda de præcepto? Sacerdotes consecrantes in Missa alta voce, an mortaliter peccent.

DECISIO XXXII.

ARGUMENTUM.

Utrum in Sacrificio Missæ, de ejus essentia sit consecrare utramque speciem, Panem scilicet, ac Vinum? Argumenta septem pro negativa, & totidem pro affirmativa. Hujus ratio præcipua quæ sit? Missa nunquam celebrata cum una sola specie. Fabulosum, quod Innocentius VIII. concesserit Norvegiis, celebrare sine Vino. Quis fuerit Cleophas vadens in Emmaus, & an ibi Christus consecraverit Eucharistiam? Celebrare cum una sola specie nunquam licitum, neque ex dispensatione Papæ: Rubrica Missalis declarata circa plures defectus specierum.

DECISIO XXXIII.

ARGUMENTUM.

Celebris Theologorum Controversia, *An fructus, seu valor Sacrificii Missæ sit infinitus, vel finitus?* breviter, sed clare examinatur, & resolvitur. Fructus Missæ triplex, generalissimus pro tota Ecclesia Catholica; Medius pro dantibus stipem; & Specialissimus pro celebrante. Utrum una Missa tantum profit applicata uni, quantum si pluribus applicetur? Omnes cooperantes Sacrificio Missæ magnam fructus partem reportare auctoritatibus, & exemplis comprobatur. Stipendia plura pro una Missa an licite recipiantur?

DECISIO XXXIV.

ARGUMENTUM.

Utrum fructus Missæ Lausreticus, Satisfactorius, Propitiatorius, & Impetratorius sint separabiles, & independentes à se, ita ut in una Missa possint diversis personis, & ad diversos fines applicari? Prædicti fructus an semper dentur infallibiliter ex opere operato? Sacerdotes non celebrantes an graviter peccent? Exemplum apparitionum Animarum duarum Purgatorii de anno 1640, & 1658. *Æs* alienum solvendum in hac vita. Pœnalitates juvant mortuos.

DECISIO XXXV.

ARGUMENTUM.

Disputatur, An fructus specialissimus Missæ, proprius Sacerdotis celebrantis, possit per eum, accepto stipendio, alteri applicari? Referuntur argumenta pro utraque opinione: & eligitur Affirmativa, quò ad validitatem applicationis: Negativa, quò ad receptionem stipendii, quæ est illicita, & prohibita tum ab Urbano VIII. anno 1626. tum ab Alexandro VII. anno 1659. Avaritiam ab omnibus Ecclesiasticis evitandam esse, auctoritatibus, & exemplis modernis Sacerdotum luentium pœnas in Purgatorio confirmatur.

DECISIO XXXVI.

ARGUMENTUM.

Agitur de applicatione Sacrificii necessario facienda à Celebrante. Circa illam resolvuntur undecim dubia; & docetur, an sufficiat intentio habitualis? In qua parte Missæ sit facienda applicatio? Antiquorum Diptycha quid essent? Anticipata Missa an dicenda pro eo, qui primum daturus est stipem? An superior possit applicare Missam Sacerdotis sui subditi? An applicanda Missa pro Sanctis? pro infidelibus? pro catechumenis? pro excommunicatis? pro peccatoribus? Et utrum viventes possint sibi celebrare facere Missas de Requiem? De hoc exempla B. Alberti Magni, & aliorum; præcipue Caroli V. Imp.

DECISIO XXXVII.

ARGUMENTUM.

Inquiritur, An sit major fructus Missæ sollemnis, quam Missæ privata? Docetur Missam sollemnem esse, quæ celebratur cum Ministris, Musica, & Cantu. Exponitur, quid, & quoruplex sit Musica? Quis ejus Auctor? Quo tempore introducta sit in Ecclesia tam Vocalis, quam instrumentalis? Organorum usus quando cœperint? Quomodo Organa sonanda? Ubi sint Organa famosa? Musica laudata. Item censurata. Quæ approbata? Gregoriani cantus commendatio, Tonorum Regula. An Monialibus Musica expedit? Tandem, majorem esse fructum Missæ sollemnis, quam privatæ tum ex opere operantis, tum ex opere operato rationibus demonstratur.

DECISIO XXXVIII.

ARGUMENTUM.

Disceptatur de obligatione cantandi quotidie unam, vel plures Missas in Ecclesiis Cathedralibus, & Collegiatis. Usus Missarum Solemnium fuit semper in Ecclesia. Canonicorum origo, & institutum. Quibus horis sint cantandæ Missæ in Choro, & quale ob mysterium? Christus qua hora fuerit Crucifixus? An sit culpa gravis non cantare Missas diebus à Rubrica Missalis præscriptis?

Index Argumentorum Decisionum.

ptis? An hæc afficiat Regulares? Celebrans an teneatur legere in Missa solemnè, ea quæ cantantur à Choro, vel à Ministris.

DECISIO XXXIX. ARGUMENTUM.

Disseritur de tempore, quo licitum est privatis Missas celebrare. Docetur, olim fuisse in usu Missas Nocturnas, & Vespertinas; & Quid sit Missa Præsanctificatorum? Missæ nunc debent esse diurnæ, idest ab Aurora ad Meridiem. Quid, & quotuplex sit Dies? & quid sit Nox? Varia Horarum computatio ad constituendum diem, Dies indulgentiæ consequendæ quando incipiat, & desinat? Agitur de diebus Naturalibus, Ecclesiasticis, Artificialibus, Intercalaribus, Capicularibus, & Criticis. Quid sit Aurora, & quanto tempore nascatur ante Solem? Casus plurimi, in quibus licet litare ante Auroram, & post Meridiem. De Privilegiis Regularium circa horam celebrandi. Habitantes sub Polo, habentes diem longissimum per sex Menses, deinde confimilem noctem, quomodo cognoscant Auroram, & Meridiem pro Sacrificio?

DECISIO XL. ARGUMENTUM.

Quia Sacrificium Missæ in Ecclesia est offerendum, agitur de Ecclesiarum ædificatione; & de quatuor generibus causarum in ea per Episcopos attendendis. Ecclesia debet respicere ad Orientem, & habere locum separatim mulierum à viris. Ecclesia non est ædificanda sine Dote; (idem de Altaribus) alijs Episcopi, & eorum hæredes tenentur supplere in propriis bonis. Licentia Ordinarii est omnino necessaria pro fabricandis Ecclesiis. Quibus de causis possit erigi nova Parochialis? Regulares sine licentia Papæ novas Ecclesias, & Conventus facere non possunt. Finis ædificandi Ecclesias Divinus cultus; non lucrum temporale.

DECISIO XLI. ARGUMENTUM.

Consecrationis Ecclesiarum materia, ad quatuor capita redacta, plenissimè explicatur. Et quia Consecratio Ecclesiæ dicitur Encænna, Dedicatio, Inauguratio, & Sacramentum, plures de his vocibus dantur eruditiones, & præcipuè de Encænna Judæorum, ac de auguriis Romanorum. Essentialia Consecrationis Ecclesiæ declarantur: persona consecrans, ejus jejunium, Vigiliæ ante SS. Reliquiæ; oblatio ossium hæreticorum, & infidelium; atque hos inter an sit fræus mortuus in ventre Matris? Utrumvè Materni uteri Sectio sit licita pro salute fræus? Ablutionis parietum, Alphabeti Græci, & in cineribus impressi, Litaniarum, Altaris consecrationis, Crucium unctionis, mysticæ causæ, & rationes redduntur; eruditionesque dantur circa litanias Judæorum, &

Paganorum, Alphabetæ, & eorum litteras numerales, cum pluribus curiosis quasitis. Tandem exempla Ecclesiarum à cælitibus miraculosè consecratarum indigitantur.

DECISIO XLII. ARGUMENTUM.

Quia non omnes Ecclesiæ possunt de facili consecrari, sed solent tantum benedici; idè hæc agitur de earum benedictione. Hujus vocis *Benedictionis* variæ significationes, & divisiones. Definitio Benedictionis Ecclesiasticæ, & explicatio Rituum ejus, quorum præcipuum signum *Crucis*, de quo plures Theologicæ, & Historicæ eruditiones. De exorcismis in res inanimas, & animalia nociva. De Ensalimis. De fructu benedictionum SS. Virorum. De benedictionibus Rosæ auræ, & Agnorum Dei cereorum, quas facit Papa. De aliis spectantibus ad Cardinales, ad Episcopos, ad Parochos, ad Abbates, & ad Prælatos Regulares. De Parentum in filios benedictione, & maledictione. Tandem de necessariis ad benedicendas Ecclesias, Oratoria, & Cæmeteria; de quibus omnibus quæstiones plures Canonice, & Legales, utiles, & curiosæ.

DECISIO XLIII. ARGUMENTUM.

Agitur de Ornamentis Ecclesiarum, & Altarium, quæ sunt Ecclesiastica, Regalia, Moralia, & Legalia. Prima, nempe Ecclesiastica sunt Mappæ, Pallia, Cruz, Candelabra, Lucernæ, & aliæ prout in Rubrica Missalis, circa quæ variæ difficultates solvuntur, & eruditiones dantur, præcipuè circa Lucernas perpetuas, & inextinguibiles antiquorum. Regalia ornamenta sunt donationes Principum. De his Historia plures, illaque donationis Constantini Imperatoris. Moralia sunt devotio, & reverentia plebis in Ecclesia. De his multa scitu digna; & de Diaconissarum officio. Legalia tandem ornamenta Immunitas loci Sacri. Agitur de Jure Asyli pro confugientibus ad Ecclesiam juxta Bullam Gregorii XIV.

DECISIO XLIV. ARGUMENTUM.

Declaratur, ad quos spectet provisió ornamentorum Ecclesiæ, vel Altaris? An ad Rectorem, vel Capellanum? aut ad populum? Regulæ octo, juxta quas decidendæ difficultates circa reparationem Ecclesiarum, & Altarium, Cæmeterii, Campanarum, Domus Parochialis, necnon quorumcunque Ornamentorum Ecclesiasticorum?

DECISIO XLV. ARGUMENTUM.

Quia ad convocandum populum ad Sacrificium opus est Campanili, & Campanis, de his agitur historicè, mysticè, legaliter, & supernaturaliter. De Turri Babel, & David; de Pyramidibus, & Campanilibus famosis. Disseritur de origine Campanarum

Index Argumentorum Decisionum.

tum apud Gentiles, tum apud Christianos. Turcæ campanas abhorrent. Exponuntur mysticæ significationes Campanarum. Tractatu de Horologiis solaribus, aqueis, & cum rotis. De eorum initio, usu, & commodo. De trina pulsatione ad salutationem Angelicam, & de ejus Indulgentia plenaria. Campanarum pulsandarum finis, tempus, numerus, & ministri; Quis teneatur ad expensas, & salarium pro Campanis? Utilitates ex sonitu Campanarum. Aliquæ miraculosæ Campanæ. Duæ maximè molis, *Erfordiensis, & Pekinensis.*

DECISIO XLVI.

ARGUMENTUM.

Quia non licet Sacrificium Missæ peragere in Ecclesia profanata, violata, seu polluta: agitur de Ecclesiarum profanatione, violatione, & pollutione. Docetur, quid sit Pollutio Ecclesiæ, Quæ loca sint pollutionis capacia? Quæ actiones Ecclesiam polluant? & latè differitur de homicidio facto in Ecclesia, de effusione sanguinis, & feminis humani, & de sepultura infidelium, atque excommunicatorum. Declarantur effectus pollutionis, & quæ functiones sint prohibitæ in Ecclesia polluta? Reconciliare Ecclesias pollutas quis possit? Quidquid disputant DD. de Ecclesiis pollutis, hic recensetur; additis historiis, & eruditionibus multis.

DECISIO XLVII.

ARGUMENTUM.

Post ornatum Altarium, & Ecclesiarum, agitur de Sacerdotum ornamentis, quæ triplicia sunt, Interiora, Exteriora, & Mystica. Ornatus interior Sacerdotis stat in conscientia pura, sobrietate, & castitate. Cur, & quando Uxores prohibita Ministris Sacris? Milites in castris an expediat, ut habeant uxores secum? Rationes tam contra, quam ad favorem cœlibatus Sacerdotum. Quare Græci habeant Uxores, & ex quo tempore? Exempli Ministrorum Altaris incontinentium punitorum. Cautelæ tres pro servanda castitate. Lapsus Virorum Sanctorum ob familiaritatem cum mulieribus. Eruditiones, & monitiones plurimæ pro hoc interiori ornatu Sacerdotum.

DECISIO XLVIII.

ARGUMENTUM.

De Tonsura Clericali, quæ est ornamentum exterius Sacerdotum, agitur in hac Decisione. O-

stenditur in quibus consistat, quibusve de causis sit introducta: Ejus antiquitas, & privilegia. Sacerdotes in tonsa mortaliter peccant. De usu tonsuræ apud Hebræos. Græcos, Romanos, & Ecclesiasticos Latinos, ac Græcos; Quid de Barba antiquarum nationum, & ministrorum utriusque Ecclesiæ Græcæ, & Latinæ? Plures eruditiones de Barba; & exempla non injucunda de mulieribus barbatis.

DECISIO XLIX.

ARGUMENTUM.

Agitur de alia parte Ecclesiasticæ Tonsuræ, consistentis in Habitu ad formam Sacrorum Canonum. Tres conditiones Vestis Clericalis, ut sit Talaris, Nigri coloris, & Lanea. Plura de Origine, & usu Vestis Talaris. De colore albo, ac violaceo ejusdem; atque de prohibitione Vestium sericarum. Sex accessoria habitus Clericalis, Zona, Collaria, Manicæ, Calcei, Pileus, & Annulus; quæ omnia quomodo Clerici deferre possint? Annulorum plures usus, & mysteria, præcipuè in conjugii, & Sigillis. Papæ Sigilla tria; Annulus Piscatorius, Plumbeum, & subscriptio cum aliquo versu Sacræ Scripturæ. Digitorum nomina, & cur in quarto digito Annulus ponatur? De Annulis sponsalitiis S. Annæ, ac Deiparæ. Quibus Ecclesiasticis licitus sit Annulus aureus, & quibus prohibitus? Quid sit Vestis dicta Birrus? Qui infanti olim Lectores? Et cur Regularibus detur habitus solemniter ritu, non etiam Clericis secularibus? & laici sepellantur induti Habitu Regulari Sancti Francisci.

DECISIO L.

ARGUMENTUM.

Mysticum ornatum, quo Sacerdos litaturus indutus esse debet, continet præsens Decisio; & est, recitare Matutinum cum Laudibus ante celebrationem, ac Sacras Vestes induere. Mortale esse non recitare Matutinum, ac Laudes ante Missam, (justa causa cessante) juribus, atque rationibus contra Neotericos probatur, ad mentem antiquorum Doctorum, Sacrarum vestium numerus, nomina, mysteria, ususque necessarius in Sacrificio ostenditur. Pileolus, ac Perucha celebrantibus Missam proscripti. Color in Vestibus Sacris servandus juxta Rubricas. Clerici sepeliendi cum Vestibus sacris suorum ordinum. Calix ad manus Sacerdotis mortui non ponendus vestes lugubres, vulgo di *Scortuzzo* à Clericis in morte parentum non induendæ.